

## **RREGULLAT UNIFORME PËR KRIJIMIN DHE ADMINISTRIMIN E INFORMACIONIT GJEOHAPËSINOR.**

### **I. IDENTIFIKIMI I AUTORITETEVE PËRGJEGJËSE PËR GJEONFORMACIONIN**

1. ASIG me vendim, bazuar në nenin 12 të ligjit 72/2012 “*Për Organizimin dhe Funksionimin e Infrastrukturës kombëtare të Informacionit Gjeohapësinor në Republikën e Shqipërisë*” përcakton autoritetin/et publik përgjegjës për secilën temë.
2. Për marrjen e vendimit ASIG bazohet në:
  - a) Kuadrin ligjor që rregullon fushën (temën përkatëse)
  - b) Historikun e të dhënave gjeohapësinore për temën përkatëse
  - c) Konsultimet me autoritetet publike që kanë ose administrojnë të dhëna gjeohapësinore për temën përkatëse.
3. Vendimi i ASIG për autoritetin përgjegjës përmban:
  - a) Autoritetin/tet publik përgjegjës
  - b) Afatin e dorëzimit të të dhënave/sistemeve dhe metadatave përkatëse
  - c) Formën e komunikimit me Gjeoportalin Kombëtar dhe mënyrën e përditësimit të të dhënave e shërbimeve.

### **II. NISMAT E AUTORITETEVE PUBLIKE NË FUSHËN E GJEONFORMACIONIT**

1. Nismat e autoriteteve publike në fushën e informacionit gjeohapësinor duhet të përmbajnë:
  - a) Dokumentacionin që argumenton nevojën e nismës dhe përfitimet nga produkti.
  - b) Projektin e plotë me specifikimet teknike
  - c) Koston financiare të projektit (preventivin)
2. ASIG shqyrton nismën e paraqitur nga autoriteti përgjegjës dhe vlerëson përputhshmërinë e tij me standardet e gjeoinformacionit, bazuar në kuadrin ligjor dhe nënligjor të miratuar.
3. ASIG përgatit një raport vlerësues për nismën të cilin ia paraqet Bordit për Informacionin Gjeohapësinor (BIG) për miratim.
4. Raporti i ASIG duhet të përmbajë:
  - a) Vlerësim mbi nevojën për marrjen e nismës dhe efektshmërinë e investimit.
  - b) Mendim për procedurën e ndjekur në hartimin dhe paraqitjen e nismës
  - c) Sugjerime teknike për realizimin e nismës, në përputhje me standardet e miratuara.
  - d) Autoritete të tjera publike, me të cilat duhet bashkëpunohet për realizimin e nismës (në rastet kur për të njëjtën temë ka më shumë se një autoritet përgjegjës)
  - e) Informacion për projekte të tjera që janë në proces zbatimi ose janë përfunduar e dorëzuar nga autoritete të tjera publike, me qëllim realizimin e ndërveprueshmërisë së të dhënave dhe shërbimeve.

### III. PRANIMI/ REFUZIMI I PËRFSHIRJES SË TË DHËNAVE NË GIS-IN KOMBËTAR.

1. Të dhënat gjeohapësinore të mbledhura, përpunuara dhe përditësuara nga autoriteti përgjegjës përfshihen në GIS-in Kombëtar vetëm nëse janë krijuar më përputhje me standardet e miratuara për këtë qëllim.
2. Vendimi i ASIG-ut për miratimin e të dhënave gjeohapësinore dhe përfshirjen e tyre në GIS-in Kombëtar publikohet në Gjeoportalin Kombëtar, si dhe i komunikohet me shkrim autoritetit publik përgjegjës, brenda afateve të përcaktuara në ligj.
3. Vendimi i ASIG-u për refuzimin e përfshirjes së të dhënave gjeohapësinore në GIS-in Kombëtar shoqërohet me arsyetimin përkatës dhe i përcillet me shkrim autoritetit publik përgjegjës, duke përcaktuar edhe afatin, brenda të cilit duhet të paraqiten kontestimet.

### IV. SISTEMET E INFORMACIONIT GJEOGRAFIK DHE PËRFSHIRJA E TYRE NË GIS-IN KOMBËTAR

1. Autoritetet publike, të identifikuar me vendim të ASIG, sipas nenit 12 të ligjit 72/2012, janë përgjegjëse për ngritjen e sistemeve të informacionit gjeografik (GIS), në përputhje me kuadrin ligjor dhe nënligjor në fuqi dhe standardet e miratuara.
2. Autoritetet publike depozitojnë ose ndërlidhin online me Gjeoportalin Kombëtar të administruar nga ASIG, sistemin e informacionit gjeografik të krijuar në përputhje me specifikimet teknike të miratuara dhe rekomandimet e ASIG, në fazën e shqyrtimit të nismës.
3. ASIG-u shqyrton përputhshmërinë e sistemit të informacionit gjeografik me me standardet e gjeoinformacionit, bazuar në kuadrin ligjor dhe nënligjor të miratuar.
4. ASIG-u i paraqet BIG-ut mendimin e tij për përputhshmërinë ose jo të sistemit të informacionit gjeografik me standardet dhe rregullat e miratuara.
5. BIG miraton ose jo sistemin e informacionit gjeografik dhe përfshirjen e tij në GIS-in Kombëtar dhe autorizon ASIG për nxjerrjen e vendimit përkatës.
6. ASIG publikon në Gjeoportalin Kombëtar vendimin për miratimin e sistemit të informacionit gjeografik dhe përfshirjen e tij në GIS-in Kombëtar, si dhe i komunikon me shkrim autoritetit publik përgjegjës vendimin, brenda afateve të përcaktuara në ligj.
7. Fondet e destinuar nga buxheti i shtetit apo donatorët, për nismat e autoriteteve publike, për ndërtimin e sistemeve të informacionit gjeografik (GIS), bëhen efektive vetëm pasi të jetë marrë aprovimi i ASIG për përputhshmërinë e tyre me rregullat dhe standardet e miratuara.
8. ASIG harton dhe publikon një udhëzues teknik të detajuar për kontrollin e sistemeve të informacionit gjeografik (GIS).

### V. ADMINISTRIMI I INFORMACIONIT GJEOHAPËSINOR

1. ASIG është përgjegjës për administrimin e informacionit gjeohapësinor që përfshihet në GIS-in Kombëtar dhe që publikohet ose jo në Gjeoportalin Kombëtar.
2. Autoritetet publike përgjegjëse për secilën temë të ligjit 72/2012 administrojnë dhe

përditësojnë informacionin gjeohapësinor të krijuar nga ana e tyre.

3. ASIG dhe autoritetet përgjegjëse administrojnë informacionin gjeohapësinor bazuar në ligjin nr. 10325 datë 23.09.2010 “Për bazat e të dhënave shtetërore” dhe aktet nënligjore në zbatim të tij.
4. ASIG harton dhe publikon një udhëzues teknik të detajuar për ruajtjen dhe administrimin e informacionit gjeohapësinor të marrë nga autoritetet përgjegjëse, përfshirë në GIS-in Kombëtar dhe të publikuar ose jo në Gjeoportalin Kombëtar.